ŒUVRES DE PLUTARQUE.

TOME SECOND.

VIES DES HOMMES ILLUSTRES contenues dans le second Volume.

THEMISTOCLES } compa	erés*.
PERICLES	arés.
ALCIBIADES	arés.

LES VIES

DES

HOMMES ILLUSTRES DE PLUTARQUE,

Traduites du Grec par JACQUES AMYOT, Grand-Aumônier de France;

Avec des Notes & des Observations de M.l'Abbé Brotier, de l'Académie Royale des Inscriptions & Belles-Lettres.

TOME SECOND.



A PARIS,

CHEZ JEAN-BAPTISTE CUSSAC, au Parnasse Français, rue du vieux Colombier.

M. D C C. L X X X I I I.

A VEC APPROBATION, ET PRIVILÉGE DU ROI.

EXPLICATION des deux Figures en taille-douce qui sont dans le second Volume.

La premiere représente une vue du Capitole. Au pied de la colline, Brennus, chef des Gaulois, fait peser les mille livres d'or, prix de la rançon des Romains. Il ajoute l'insulte à l'humiliation, & charge la balance de son épée. Camille arrive. Il arrête Brennus, chasse les Gaulois & délivre Rome. Plutarque, Vie de Camille, Chapitre LI.

Dans la seconde, on voit la tente de Coriolan. Il avoit été banni par le peuple Romain. Il vient à la tête des Volsques poursuivre sa vengeance & faire de Rome la proie des vainqueurs. Une députation de ses parents & de ses amis n'a pu le sléchir. Les dames Romaines, ayant à leur tête, sa mere, sa femme & ses



enfants, viennent le conjurer de sauver Rome & sa patrie. Coriolan céde aux prieres de sa mere. Plutarque, Vie de Coriolan, Chapitre LVI.

SOMMAIRE

DE LA VIE DE THÉMISTOCLE.

Extraction de Thémislocle. II. Sa jeunesse ardente & appliquée. III. Son étude de la sagesse, c'est-à-dire, de la science du gouvernement. Antiquité de cette science V. Sa rivalité avec Aristide. VI. Sa sensibilité à la gloire. VII. Il détermine Athènes à employer l'argent des mines à la construction des vaisseaux. VIII. Son caractère. X. Sa popularité. XI. Il fait bannir Aristide. XII. Sa fermeté. XIII. Il est élu capitaine général des Athéniens. Il les fait embarquer pour aller combattre Xerxès. XIV. Il céde le commandement à Eurybiade, général de Lacédémone. XV. Combat d'Artemisium. XVI. Xerxès gagne les Thermopyles. XVIII. Feinte de Thémistocle pour inspirer du courage aux Athéniens. XXI. Il soutient celui d'Eurybiade. XXII. Frayeur des Grecs. XXIII. Thémistocle les met dans la nécessité de combattre. XXVII. Nombre des vaisseaux de Xerxès. XXVIII. Thémistocle prend l'avantage du vent. XXIX. Victoire de Salamine. XXXII. Fuite de Xerxès. XXXIII. Honneurs rendus à Thémistocle. XXXV. Sa passion pour la gloire. Ses paroles remarquables. XXXVII. Il rebâtit les murailles d'Athènes. XXXVIII. Il construit le Pirée. XXXIX. Projet Tome II. Α

de Thémistocle pour donner à Athènes la supériorité sur toute la Grèce, rejetté parce qu'il est injuste. XL. Sa sage politique pour maintenir l'équilibre. XLI. Le poëte Timocréon lui reproche des concussions. XLII. Il fait trop sentir ses services. XLIII. Il est banni du ban d'ostracisme. XLIV. Trahison de Pausanias. Il en confie le secret à Thémistocle. XLV. Le peuple veut s'assurer de sa personne. Il s'enfuit à Corfou. XLVI. De là dans l'Épire. LXVIII. Enfin dans la Perse. L. Son entrevue avec le roi de Perse. LIII. Traitement honorable qu'il reçoit. On lui assigne le revenu de trois villes. LVI. Révolte de l'Egypte, excitée par les Athéniens. La Perse arme contre Athènes. Thémistocle se donne la mort pour ne pas servir contre sa patrie. LVII. Le roi de Perse l'admire. Ses enfans. LVIII. Son tombeau magnifique à Magnéfie. LIX. Sa postérité encore honorée du temps de Plutarque.

Depuis la foixante-troisieme jusqu'à la foixantedix-neuvieme olympiade, 463 ans avant Jesus-Christ.

LES VIES

DES

HOMMES ILLUSTRES

GRECS ET ROMAINS,

COMPARÉES L'UNE AVEC L'AUTRE

PAR PLUTARQUE DE CHÆRONNÉE.

THEMISTOCLES.

La maison dont estoit Themistocles n'a pas gueres aidé à sa gloire : car son pere, qui se nommoit Nicocles, estoit bien citoyen d'Athenes, mais non pas des plus apparents de la ville, natif du bourg de Phrear, en la lignée Leontide : & du costé de sa mere, il estoit mestif, comme lon dit, pource qu'elle estoit estrangere, ainsi que tesmoignent ces vers :

Abrotonon je suis en Thrace née, Mais je puis dire estre si fortunée, Que j'ay le grand & par tout rant chanté Themistocles aux Gregeois ensanté.

THEMISTOCLES.

Toutefois Phanias escript, que sa mere n'estoit point Thraciene, ains natifve du pais de Carie, & ne la nomme point Abrotonon, mais Euterpe: & Neanthes y adjouxte davantage, qu'elle estoit de Halicarnasse, ville capitale du royaume de la Carie: au moyen dequoy estant la coustume que les enfans mestifz, c'est à dire, ceulx qui n'estoyent pas nez de pere & de mere naturelz citoyens d'Athenes, feissent leurs assemblées pour se jouer & exerciter en un certain lieu appellé Cynosarges, qui estoit un parc deputé aux exercices des jeunes gens, hors les murailles de la ville, & dedié à Hercules, pource qu'entre les dieux il n'estoit pas non plus luy mesme naturel, ains tenoit de bastardise, à cause de sa mere qui estoit femme mortelle: Themistocles feit tant envers quelques jeunes hommes des plus nobles maisons de la ville, qu'il les mena quand & luy en ce parc de Cynosarges, & les y feir despouiller, oindre & exerciter avec luy: en quoy faifant, il abolit finement la difference que lon faisoit auparavant entre les mestifz & les legitimes citoyens à Athenes. Ce nonobstant il est tout certain qu'il tenoit de quelque chose à la maison des Lycomediens, par ce que la chappelle de ceste famille, qui est au bourg de Phlyes, ayant esté arse & brussée par les Barbares, Themistocles la feit refaire à ses despens,

& l'enrichit & orna de peintures, ainsi que dit Simonides.

II. Au demourant, c'est bien chose confessée de tous, que dès le temps de son enfance on appercevoit desja bien qu'il estoit ardent, remuant, advisé, de bon sens, & de sa nature convoiteux de faire toutes grandes choses, & né pour manier affaires: car ès jours & heures qu'il avoit vacation de l'estude & congé de s'esbatre, il ne jouoit jamais, ny jamais ne demouroit oisif, comme failoyent les autres enfans, ains le trouvoit on tousjours apprenant par cueur, ou composant à part foy quelques harengues, le subject desquelles estoit le plus fouvent, qu'il defendoit ou accusoit quelcun de ses compagnons: à raison de quoy son maistre d'escole luy disoit ordinairement : « Tu » ne feras jamais peu de chose, mon enfant, » ains est force que tu sois un jour quelque grand » bien, ou quelque grand mal ». Et pourtant quand on luy vouloit faire apprendre aucune chofe servant seulement à reformer & civiliser les meurs, ou bien de celles que l'on estudie pour plaisir & honneste passetemps, il les apprenoit laschement & froidement : mais si c'estoit quelque chose de sens, & qui servist à manier affaires, on voyoit qu'il le notoit, & le vouloit entendre plus avant que ne portoit son aage, comme celuy qui se confioit à son naturel. Cela

fur cause que depuis se trouvant en quelques compagnies mocqué par d'autres qui avoyent estudié en ces arts là d'honneste & gentil entretien, il su contraint pour se revenger & desendre, de leur respondre en paroles un peu haultaines & odieuses, « disant qu'il ne sçavoit pas » voirement accorder une lyre ou une viole, ny » jouer d'un psalterion: mais qui luy mettroit » entre ses mains une ville petite, soible & de » peu de nom, qu'il sçavoit bien les moyens de » la faire devenir grande, puissante & de noble » renom ».

III. Ce neantmoins Stefimbrotus escrit, qu'il fut à l'escole d'Anaxagoras, & qu'il estudia soubs Melissus le philosophe naturel : en quoy il s'abuse grandement, pour n'avoir pas bien pris garde à la suitte des temps : car Melissus sut capitaine des Samiens à l'encontre de Pericles du temps qu'il teint la ville de Samos assiegée. Or est il, que Pericles estoit de beaucoup plus jeune que Themistocles, & Anaxagoras se tenoit en sa maison mesme demourant avec luy: pourtant y a il plus d'apparence & plus d'occasion de croire à ceulx qui disent que Themistocles se proposa à imiter Mnesiphilus le Phrearien, lequel ne faisoit profession ny d'orateur, ny de philosophe naturel, que lon appelloit en ce temps là, ains de ce que lon nommoit alors sagesse, laquelle

n'estoit autre chose qu'une prudence de manier affaires, & un bon sens & jugement en matiere d'estat & de gouvernement, laquelle profession ayant commencé à Solon 1 avoit continué de main en main jusques à luy, comme une secte de philosophie. Mais ceulx qui sont venus depuis y ont meslé parmy les arts de la plaiderie, & peu à peu en ont transporté l'exercice des effects aux paroles nues : à raison dequoy ilz ont esté appellez Sophistes, comme qui diroit, contrefaisans les sages : toutefois quant à ce Mnefiphilus là, il s'approcha de luy qu'il avoit ja commencé à s'entremettre du gouvernement de la chose publique. Si furent les premiers mouvemens & deportemens de sa jeunesse fort variables & divers, comme de celuy qui se laissoit aller, où le poulsoit l'impetuosité de sa nature, sans la regler & guider avec le jugement de la raison : dont il advenoit qu'elle produisoit de grandes mutations de façons de faire & de meurs, en l'une & en l'autre partie, & bien fouvent se tournoit en la pire : comme luy mesme confessa depuis disant, que les plus rebours & les plus farouches poulains sont ceulx qui à la fin deviennent les meilleurs chevaux, quand ilz

² La sagesse, ou la science du gouvernement, commença alors chez les Grecs. Elle étoir bien plus ancienne dans l'Orient, comme on le voir par les livres de David & de Salomon.

font domptez, faits & dressez ainsi comme il appartient.

IV. Au reste, tous les autres comptes que quelques uns vont adjouxtant à cela, comme, que son pere le desherita, & que sa mere se seit vouluntairement mourir pour le regret & la dou-leur qu'elle avoit de veoir le mauvais gouvernement de son filz, sont à mon advis choses controuvées: car au contraire il y en a qui escrivent, que son pere mesme le voulant divertir de s'entremettre du gouvernement de la chose publique, luy alloit monstrant au long du rivage de la mer, les corps des vieilles galeres jettées çà & là, sans que lon en feist plus de compte, en luy disant, que le peuple faisoit tout ainsi des gouverneurs quand ilz ne pouvoyent plus servir.

V. Comment que ce soit, il est tout certain que Themistocles s'affectionna incontinent à bon esciant aux affaires, & qu'il sut bien tost attaint au vis de la convoitise de gloire: de maniere que voulant dès son commencement mettre le pied devant tous les autres, il prit audacieusement à son arrivée la picque contre les plus grands & les plus puissants hommes, qui se messassent pour lors du gouvernement des affaires, mesmement contre Aristides silz de Lysimachus, qui luy estoit tousjours en tout & par tout adversaire. Toutesois il semble que l'inimitié qu'il conceut

à l'encontre de celuy-là, proceda d'une cause assez legere : car ilz se trouverent tous deux amoureux du beau Stesilaiis natif de la ville de Tios, ainsi comme l'escrit le philosophe Ariston: & depuis le commencement de ceste jalouzie là, continuerent à tenir tousjours partis contraires, non seulement en leurs privées affections, mais aussi au gouvernement de la chose publique. Toutefois je croy bien que la diversité de leurs meurs & de leurs conditions augmenta grandement l'inimitié & la dissension qu'ilz eurent entre eulx, pource qu'Aristides estant de sa nature homme posé, droit & entier en sa vie, & qui en ses actions ne tendoit point à flatter le peuple, ny à servir à sa propre gloire, ains à faire, dire & conseiller tousjours ce qu'il estimoit estre le meilleur, le plus juste & le plus seur pour la chose publique, estoit contraint de resister souvent à Themistocles, qui alloit incitant le peuple à entreprendre tousjours quelque chose de nouveau, & qui mettoit tous les jours quelques nouvelletez en avant, à fin de empescher l'accroissement de son authorité.

VI. Car on dit qu'il estoit si transporté de la cupidité de gloire, & si ardemment espris du desir de faire de grandes choses, qu'estant encore bien jeune lors que la bataille de Mara-

thon fut donnée contre les Barbares, où lon ne parloit d'autre chose que de la valeur du capitaine Miltiades qui l'avoit gaignée, on le trouvoit bien souvent tout seul resvant & pensant à part soy, & ne pouvoit dormir la nuice, ny ne vouloit le jour aller aux lieux, ny fe trouver ès compagnies, où il avoit paravant accoustumé de frequenter, disant à ceulx qui s'esbahissoyent d'un si grand changement de ses façons de faire, & qui luy en demandoyent l'occasion, « que la victoire de Miltiades ne le lais-» foit point dormir » : à cause que les autres estimoyent que la desfaitte des Barbares en ceste journée de Marathon deust estre la fin derniere de la guerre : mais Themistocles au contraire pensoit bien, que ce n'estoit qu'un commencement de plus grands affaires, aufquelz il s'alloit tous les jours preparant pour le salut de toute la Grece, & y exercitoit de bonne heure sa cité, prevoyant ja de loing ce qui en devoit advenir.

VII. Parquoy tout premierement, là où ceulx d'Athenes au paravant avoyent accoustumé de distribuer entr'eulx le revenu annuel que son tiroit des mines d'argent, qui estoyent en un endroit de l'Attique nommée Laurium, il sut seul qui oza mettre en avant au peuple, qu'il falloit

¹ La troisieme année de la soixante-douzieme olympiade : année mémorable qui a commencé le grand éclat de la Grèce.